

## Tutu e táxnūu Santiauí ña ñá Israee

### *Taxnūu Santiauí ntiúsi*

<sup>1</sup> Xu'u é Santiauí u ne, kade tsiñu ú ña Xuva ko ni Tó'o ko Jesūcristu. Taxnūu u tú'ūn sa'á ña nto, ñi'vi ntō e kúvi uxuvi táta ña Israee nto, da mí'i ká mi ntántoo nto. Ntiusi nto.

### *Kata'xi Xuva kō e dóo ki'in inī ko nté koo vii o*

<sup>2</sup> Kuntoo díni nto, tá'an ko, da ntánto'o nto é tūku e tūku nuu i. <sup>3</sup> Ini nto tsí da ntánto'o nto kuenta ña i e ntákuinti'xe nto ne, ntákutú've nto é kutíi nto ñi. <sup>4</sup> Na kūtíi ká nto vata koo é kutu've vá'a nto, vata koo é ntúvá'a ña'a nto ne, ñá tē nee ñá kunáa nteē ntó nuu Xuva ko.

<sup>5</sup> Tē ñá ini nto nee é vā'a é vii ntó ne, kákan nto nta'a Xuva kō. Tsí kantétu ña é kuē'é ña é kūtuni un ntíi ntíi ña'a nee ña é vā'a. Ná kade víni ña, ntē ña kada tii ña ni ntō. <sup>6</sup> Ntá tsi te kákan ntó nta'a ña ne, kanñ nima ntó kuinti'xe nto é nantiko koó ña. Ntē ña ku dé kuení nto te ña nantiko koó ña. Tsí ña ntádē kuení i sán ne, kuān ntáa ña vata kaa ntute ñu'u san é kaido ne, kanainu dá kainu tatsín san. <sup>7</sup> Tē ña te kánñ nima nto ntákuinti'xe nto da ntaíkan nto nta'a Xuva kō ne, ¿mí'i ntu tá'xi ña é ntaíkan nto? <sup>8</sup> Tsí uun ña'a, ña é uvi nuu i kade kuení i ne, nuu nuu tsi kanadama ña é vii ña. Tuku vii ña vevii ne, é tūku vii ña uten.

<sup>9</sup> Ta'an ko, ña e dóo ntā'ví san ne, kuān té ña nuu á'vi ña ñuxiví sa ne, ntá tsi na kutūvi díni ña, tsi dóo nuu á'vi ña nuu Xuva ko. <sup>10</sup> Ta'an ko, ña e dóo kuikā sán ne, na kutūvi díni ñá te xūvi kaika ña. Tsí vata kaa laa é kae'nu má kū'u kan kaa ña. Tsí uun

da'na tsi vé'xi ñuxiví sa. <sup>11</sup> Laa sán di ne, uun dá'na tsi kakene ne, kanakó'xo dá kãxi'i dií xuku i ka'ni ngántií san. Nã vã'á ka kídaã. Kuan kō kuvi ni ña kuiká san di. Tsi uun da'na tsi nti'i nuu mii ña nī é iō iña ña.

### *Entánto'o kō*

<sup>12</sup> Nté kui vá'a ña'a, ña é kakutíi i é kanto'o i. Tsi te kutíi ña ne, ní'i ña ntuvi vã'a iña ñá nta'a Xuva kō. Tsi Xuva kō ne, e xé'e ñã xu'u ña tsi kuntoo ña ni ñã, xoo é kãkuinima í ña. <sup>13</sup> Te iō uun nuu ī é kīni kaa é ncho víi o ne, ñá ku kadã kuení ko te nta'a Xuva ko vë'xi, tsi ña túvi mí'i kēne ña é vii ña é kīni kaa né, ntē ña katá'xi ña é vii o é kīni kaa di. <sup>14</sup> Tsi nima kīni kaa ko kaikan e dóo ncho vii o é kīni kaa san. <sup>15</sup> Te kuinti'xe kō é kaikan nima kó san ne, vii nti'xe ō é kīni kaa san. Kidáã né, tē kuíni kō é vii o é kīni kaa san ne, ní'i kō doxi'í san.

<sup>16</sup> Ntō'o tá'ãn ko e dóo ntio ko, ñá ku kanī nta'ví mii ntō nima nto. <sup>17</sup> É un nti'i nuū i e dóo va'a, nuu i é nuu é ntaā í ne, ñi'vi tsi é vë'xi e dukún kãn. Xuva ko kataxnū ña é vã'á mii kō. Tsi ñi'vi ñã ede kú'vë ña ñu'u é kãxi'í nuu e dukún kãn. Ní'ū sán ne, kanadama, ntá tsi Xuva kō ne, ña kanadama ña nté un siin. <sup>18</sup> Tsi mii ñã ntío ña é nakáku ña kō ña kuínti'xe ko tū'un é nuu é ntaā í iña ña é ntio ña é kuvi ō vata ntáa i'xa nuu i iña ña.

### *Xoo é ntio nti'xe i Xuva kō*

<sup>19</sup> Kutuni nto sá'a, ta'an ko, ña e dóo ntio kó ne, ntíto vii nto, un nti' nti' nto, dá ntaíni nto ne, ñá ku dotō tsi ka'an nto. Nã te ũra tsi kudiín nto di. <sup>20</sup> Tsi te kudiín ō ne, ñá ntáde o é vã'a é ntio Xuva kō. <sup>21</sup> Dukuãn né, xtūví xio nto da nēé ka nuu i é kīni kaa san. Mii tsi é kuinti'xe nto tú'un e xnúu Xuva kō nima nto. ñi'vi tsi é kaidiá'vi é nakáku ō.

<sup>22</sup> Ntá tsi ña te da mii tsī é kini nto é kākā'an tú'un Xuva kō, tsí kada ntaa nto. Te da mii tsī e ntaíni nto ne, ntaéni nta'ví mii ntō kúñu ntō. <sup>23</sup> Xoó ña'a é da mii tsī e kaíni ña tú'un Xuva kō ne, ntá tsi ña káde ntaa ña vatā ó kaka'án ne, vata tsi kaa ña é kaito nuu speju kaa ña. <sup>24</sup> Tsí kainí ña nuu ña, ntá tsi dá kaxkokoō ñá ne, ura tsí i kakunaá ini ña nté ito ña. <sup>25</sup> Ntá tsi utén utén nakuā'a nto tú'ün e dóo va'á san iña Xuva ko, tú'ün é nakākú kō é kīni kaa san. Xoó ña'a é ña kunáa ini ña tú'ün é nakuā'a ña, tsí kade ntaa ña é kākā'án ne, naxnuu viko Xuva ko ña.

<sup>26</sup> Xoó ña'a é kākā'an ña tsí kantikin ñá Xuva kō, ntá tsi ña káde ña kuenta é kākā'an ñá ne, ¿mí'i ntū nuu é ntaā i é kakuinti'xe ña Xuva kō? Da miī é kaeni ntā'ví mii ña kúñu ña. <sup>27</sup> Te nūu é ntaā i ntákuinti'xe ko Xuva kō né, viī o é vā'á, viī o é ntio ña di. Xntii o á i'xa kií san ne, xntii o ña dī'i ntā'ví san di nēe e ntátaan núu ña. Ñá viī o é kīni kaá vatā ó de ña'a, ña é ña ntákuinti'xe i Xuva kō.

## 2

### *Dadï tsi vii o nī dá xōó ka ña'a*

<sup>1</sup> Ntō'o, tá'ān ko e ntákuinti'xe nto Tó'o ko Jesūcristu, ña e dóo va'á kue'én ne, ñá ku nāntii ni'ni nto nté uun ña'a san. <sup>2</sup> ¿Nté koo vií nto te xēe úun ña'a mí'i ntánataká nuu nto, ña é nuu nta'a i di'i e kúvi oró ne, ni dōo é ña te nté kaa va'á ne, dadï tsi xee úun ña ntā'ví, ña é nuu doo tsude? <sup>3</sup> Te kinī ntó ña é nuu doo vá'a sán ne, tē ka'an ntó ni ña: “Kutuvī ntó i'a mí va'á ó sa”, ne, te kākā'an ntó ni ña ntā'ví san: “Ikan kuntitsin, o kutūvín ñu'u san”; <sup>4</sup> te kuān koo ka'an ntó ne, ntádē kú'vē nto tsí ió ña'a sán ne, dií ka nuu á'vi ña é ña nguī san. Ñá vā'á o é kuān koo kada kuení nto.

<sup>5</sup> Kini nto, ta'an ko e dóo ntio ko, tsi é nakaxnúu Xuva ko ña ntā'ví san é díi ka kuintí'xe ña, é nī'i ña é vā'a iña Xuva ko. Tsí kuan ō ka'an Xúva kō é kuē' é ña iña ña, da xōó ka ña'a, ña é mēni í ña. <sup>6</sup> Ntá tsi ña ña ntō ne, ntáde xení nto ni ña ntā'ví san. Ntá tsi ¿ñā ntu te ña kuiká san e ntáde xení ña ni ntō? ¿Ñā ntu te ña ña e ntáñu'u ña nto, ntáñe'e ni'i ña nto nta'a ña tsíñu i san? <sup>7</sup> ¿Ñā ntu te ña ña e ntáka'an kīni ña iña Cristu, ña e nteé kīmi nto?

<sup>8</sup> Nto'ó ne, vā'ā ó de nto tē ntáde ntaa ntí'xe nto lei é odo nūu mí kākā'an tú'un Xuva kō é na kuīnima kó ta'an ko vatā o ntákuinima ko kúñu kō. <sup>9</sup> Ntá tsi tē díi ka va'a ntáde nto ni ūun ña'a é tuku ña'a sán ne, iō kuetsí nto, tsi ña ntáde ntaa nto é kākā'án lei Xúva kō. <sup>10</sup> Tsí te ūun ña'a kade ntaa ntí'i ña lei san ne, ntá tsi te ūun tsi nuu i é kakó'xo nteē ña ne, vata tsi te kākó'xo nteē ña é un ntí'i é kākā'án lei san. <sup>11</sup> Tsí mii tsi Xuva kō xtúvi ña é ña kuví kīni díi o ñadī'i ñá'a ne, ña ña xtúvi ña é ña ka'ní o ña'a. Tē ña ka'ni díi nto ñadī'i ña'a sán ne, ntá tsi kae'ní nto ña'a ne, kidāā ne, kakó'xo nteē nto é kākā'án lei san. <sup>12</sup> Dukuān ne, vā'ā koo ka'an ntó ne, vā'ā koo víi nto ña ña vata kaa ña'a, ña é kī'in ntá'a ña kaxntékú kū've kuenta iñá lei san é nakáku ō. <sup>13</sup> Tē ña ni ntunta'ví ini ko ña'a vevii ne, ña ntuntā'ví ini Xuva ko kō te xee o nta'a ña é xntékú kū've iña ko kidaā. Ntá tsi tē ntúnta'ví ini ko ña'a san vevii ne, ní'i kō é vā'á nta'a Xuva kō kidaā.

### *Ñá te da mii tū'ún ka'an o*

<sup>14</sup> Ntō'ó ta'an ko, ¿neé ntu kaidiá'vi i te uun o kākā'an o é kakuinti'xe ko Xuva kō, ntá tsi ña káde ō é vā'a? ¿Kūvi ntu nakáku ō é kuān ó kaka'an o? <sup>15</sup> Te ūun ta'an ko kataan nūu ña é ña tuvi dóo kunúu ña, é ña tuvi é ká'xi ñá ne, <sup>16</sup> te iō ntó ka'an ntó ni ñā: “Va'a vā'a tsi koo kue'ēn nto. Xuva ko na

tā'xi ña doo é kunūu kutavi nto. Na tā'xi ña é kō'lo é kā'xi ntó di.” Te kuan kōo ka'an ntó ne, ntá tsi ña kaxé'e nto é kataan núu ña é kunūu ña, nte é kā'xi ñá ne, ¿neé ntu kaidiá'vi i? <sup>17</sup> Te xo'ō ntáka'an o tsi ntákuinti'xe kō ne, ntá tsi ña ntáde o é vā'á ne, ¿mí'i ntu kaidiá'vi i e ntákuinti'xe kō?

<sup>18</sup> Ntá tsi te iō ñá'a é kā'an ña: “Dívi ntō né, kakuinti'xe nto Xuva kō. Xu'ú ne, kade ú nuu i é vā'a. ¿Nté ntu koo nañē'e ntó ko tsí kakuinti'xe nto tē ña káde nto é vā'a? Tē kade u é vā'á ne, kutuni nto tsí kakuinti'xe ko é nuu é ntaā i”, koo ka'an ña. <sup>19</sup> Kakuinti'xe ntō tsí uun tsi Xuva kō. Vá'ā ó ni. Ntá tsi kuān o ntákuinti'xe é ña vá'ā sán di ne, ntañ'i, tsi ntaú'ví i. <sup>20</sup> ¿Nté kuān nte túntu ntú nto? ¿Na nū'u ntó iní nto tsí ña kaidiá'vi i te da mii tsí é ntákuinti'xe kō ne, ntá tsi ña ntáde o é vā'a? <sup>21</sup> Uva ata ika ko Ábraán ne, ¿ñā ntu te kaká'an Xúva kō tsi dóo va'á ña é xntéku ña nú nāa kan i'xá ña, Isaa, vata kaa uun doméni iña Xuva ko? <sup>22</sup> Ini nto vē tsí nuu é ntaā i e kuínti'xe Ábraán san, tsi dé ntaa ña e kuínti'xe ña. Kutuni ko tsí da ide ña é vā'á ne, díí díí ka kuínti'xe ña di. <sup>23</sup> Kuan o kúntaa vatā ó kaka'an tú'un Xuva kō: “Ábraán ne, kuínti'xe ña Xuva kō ne, ka'an Xúva kō tsi dóo va'á ña”, ka'an. Kaka'an Xúva kō tsí Ábraán san ne, kuvi ña ña vá'a tiin ni'i ña.

<sup>24</sup> Ini ntó ve, tsí kaka'an Xúva kō tsi va'á ña'a, ña é ña te da míi tsí é kāka'an ña tsí kakuinti'xe ña, tsí kade ña é vā'á di. <sup>25</sup> Kuan o dé Raá san, ñadī'i, ña e ika luku kídaā. Kaka'an Xúva kō tsi va'á ña'a ña, tsi dóo vá'ā o dé ña da tsú'un xu'u ña mau iña ñá Israeé san ne, xio itsi táxnūu ña ña da nchó ka'ní ña'a sán ña. <sup>26</sup> Tē ña kantíto nima kó ne, ñá vādá mi kaidiá'vi kúñu kō di. Dadii tsi, tē ña káde o é vā'á san ne, ñá vādá mi kaidiá'vi i e kuínti'xe kō.

## 3

*Xaa kō*

<sup>1</sup> Ntō'ó ta'an miī ko, ñá tē nté sa titín nto é viī ntó mastru iña tú'un Xuva kō, tsí ini o tsí dií ka tá'xi Xuva kō é nto'o ko, xo'ō é mastru ó, tē ña ntáde ntaa o. <sup>2</sup> Un ntí'í ō ntáko'xo ntee ō. Te iō ña é ña kakó'xo ntee ña é ká'an ñá ne, vá'á kue'en ña. Ntē ña kakó'xo ntee ña é kīni kaa sán, <sup>3</sup> vatā ó de ō dá kaxnuu ō káa xu'u idú san vata koo é viī tī é ntio kō ne, ña kúvi kī'in tī mí ntio tī. <sup>4</sup> Koto nto tun ntōó san di. Ñá te nté kaa na'nu. Un vá'a tsi ntii ntaíka dá kainu tatsín san. Ntá tsi ña kanakāka sán ne, vava kaa kudii á utun é ntee étī i kan kanakāka nuu ña vata koo é kī'in da mí'í ká mí ntio ña. <sup>5</sup> Kuān ó kuvi ni xaa kō di. Kuān té ñivi á ta'vi i é dií ka lú'ntī é kanī kúñu kō ne, ntá tsi dóo ka'nu ncho vii. Kuān té un siin kudii ngíñū'ú ne, ñá tē nté kaa kue'e koko ní'ni. <sup>6</sup> Xaa kō sán ne, vata kaa ñu'ú san kaa. Ña túvī neé ka ta'vī kúñu kō e dóo kini ide. Tsí ñivi kade i é katīvī kanī kúñu kō. Kade i é tīvī ko ni ta'an kō di. Kaka'an xaa kō é kīni kaa é vē'xi dô'vi kan. <sup>7</sup> Da nēé ka kiti ne, da nēé ka láa, da nēé ka kóo, da nēé ka kiti ntute ne, kuvi kutó'o tī ne, kuān o ntádē tó'ō ñá tī. <sup>8</sup> Ntá tsi xaa kō sán ne, xoxó kuvi kada tó'o i. Ñá kākukadin xaa kō é kaka'an é kīni kaa. Kuān kaa xaa ko vata kaa koo é ñu'u tsitu xū'u tī ntidi tī. <sup>9</sup> Xaa kō sán ne, kaka'an tsi dóo va'á Xuva kō né, dadī tsi ūra í kaka'an kīni iña ña'a, ña é ede kû've Xuva kō é vata kaa mii ña. <sup>10</sup> Uun tsi xu'u ko kākii tú'ūn é vā'á ni tū'un é kīni kaa. Ntō'o tá'an miī ko, sá'á ne, ña te kuan kóo. <sup>11</sup> Mí kākene ntute ne, ¿vá kūvi ntu é ikan tsi kēne ntute vidin sán ni ntūte uvé san di? <sup>12</sup> ¿Vá kūvi ntu kii tīne'ú san utun ngóñū'ú san? ¿Vá kūvi ntu kii ngoñū'ú san xo'o tinti'ó san? Dukuān dí, ña kuvi kii ntute vidin mí kākii ntute veñí san.

*Xoo e dóo ki'in inī ntí'xe i*

<sup>13</sup> Te iō nto e dóo ki'in inī ntó, e dóo tū'vé nto ne, kutuni ko xoo e dóo ki'in inī í tē ini o tsí kade ña e dóo va'á ne, ñá kāde ka'nu ña. <sup>14</sup> Ntá tsi tē dóo ntákune'u iní nto, tē dóo ncho ni'i nto iña mii ntó ne, ñá ku kā'an nto e dóo ki'in inī nto. Ká'an ntó é nuu é ntaā i. Ñá ku kā'an ntó dovete. <sup>15</sup> Tsi é ki'in inī ntó san ne, ñuxiví san vé'xi, ñá te nta'a Xuva ko ni kī'xi. Tsí kuān ó de ña ñuxiví sa di. Tsí nuu i sá'ā ne, nima kīni kaa nto vé'xi, tsi tó'ō e ña vá'ā san kata'xi é kuān koo kada kuení nto. <sup>16</sup> Da mí'i ka ntákune'u iní ña'a, da mí'i ká ntio ña iña mii ña ne, ntánaā ña. Ntáde ña un ntíí ntíí nuu i é kīni kaa. <sup>17</sup> Ntá tsi te nta'a Xuva ko vē'xi e dóo ki'in inī kó ne, ña túvī nté uun nuu i é kīni kaa. Te kuntīkin o tsíkan ne, dōo vá'a koo kuntoo o ni ta'an kō, dōo vá'a koo vii o ni ña nee iña é kākā'an tá'an kō. Ntuntā'ví ini ko ña. Níi kue'én ini ko vīi o é vā'á ni da xōó ka ña'a. <sup>18</sup> Xoo é ntio i é kuntōo vá'a i ne, na vii ña é vā'á vata ó ntio Xuva kō ne, kidāā ne, ní'i ntí'xe ña é vā'á koo kuntōo ña.

**4***E dóo ncho kuntīkin ó ñuxiví san*

<sup>1</sup> ¿Mí'i ntu vē'xí du'xēn san? ¿Nté kuī ntánāa tsí mii ntu nto ni tā'an nto? Tsí diví é ntio nima kīni ntaa nto. <sup>2</sup> Ió nuu i e dóo ntio nto, ntá tsi ña tuvi iña nto. Dukuān ne, ntaé'ni nto ña'a san é ntákune'u iní nto ni ña, ntá tsi ña ntáni'i nto é ntio nto. Dukuān ne, ntánāa nto ne, ntáde nto du'xēn. Ntá tsi ña kuvi ní'i nto é ntio nto, tsí ña ntaíkan nto nta'a Xuva kō. <sup>3</sup> Kuān te ntaíkan nto ne, ntá tsi ña ntáni'i nto, tsí ña vá'a o ntaíkan nto. Da ti tsi é nantí'i nto nee iña é ntio nima kīni ntáa nto. <sup>4</sup> Ntō'o é ña ntáde ntaa nto é kuntīkin ntó Xuva kō ne, ¿ñá ini ntú nto tsí tē ntántīkin nto é kīni kaa sán ne, ntáxtuví mii nto

Xuva ko? Xoó ña'a, ña e dóo ntio i nee iña é ña vá'a ne, kainchu'vi ñá Xuva kō. <sup>5</sup> Ñá te dōto tsi kaka'an tú'un Xuva kō tsí Espíritu ñā e tá'xi ña é kunūu nima kó ne, dōo kakukuiñū ñá ko te tūku nuu i ntántikin o, tsi dóo kakuinima ñá kō. <sup>6</sup> Ntá tsi díi díi ka kaxntii Xuva ko kō é vīi o é vā'a. Dukuān ne, kaka'an tú'un ñā: “Ñá kaxé'e Xuva kō é kūvi vii ña'a, ña é ncho vií ka'nu, ntá tsi dóo diní ña kaxntii ña ñā'a, ña é ña káde ka'nu san”, ka'an. <sup>7</sup> Dukuān ne, kué'e ntō é na kadā kû've kú'en Xúva ko iña nto. Ntá tsi ñá ku dā vá'a nto é kadā kû've tó'ō e ña vá'ā san iña nto nté koo vií nto ne, kidaā né, kunu. <sup>8</sup> Kunuu iní ntó Xuva kō né, kunūu mé'ñu ña nto. Nakate nto nta'a nto, divi ntō é iō kuetsí nto. Ntantoo nto nima ntó, divi ntō é uvi ítsi ntaika nto. <sup>9</sup> Na kūnta'xa nima nto. Kueku nto ve kuenta iña kuetsi ntō. Tē xkuntée nto é kīni kaa san kidaā ne, kueku nto vevii. Tē dóo diní nto kidaā ne, kuntōo nta'xa kue'en ntó ve. <sup>10</sup> Na ntunta'vī ntó nuu Xuva kō né, divi ña nantaa dukūn ñá nto.

*É ña ká'an o xoo e vá'a i, xoo é ña vá'a i*

<sup>11</sup> Ntō'ó ta'an ko, ñá kū ka'an kīni nto iña ta'an nto. Tsí tē xoó ña'a kaka'an ña é kīni kaa iña ta'an ñá ne, xoó kaka'an ntée ña ña ne, kaka'an ntée ña lei Xúva kō san. Kaxntékú ku've ñá leí san te vā'á ne, o tē ña vá'a. Te kuān o kade nto ne, ñá te káde ntaa nto é kāká'án leí san, tsí mii xntō kade nto ña é kaxntékú kû've iña leí san naa i é káda ntaa nto. <sup>12</sup> Ntá tsi uun tsi ña e tá'xi leí san. Uun ña'a tsi ña é kadē kû've di. Tsí divi ñā ne, kuvi nakáku ña ko, ō kuvi nakunáa ña kō di. Ntá tsi divīn ne, ¿xoó ntu ña'an é kuvi xntékún kû'vén ta'an o?

*Ña ini o nté koo kuvi uten*

<sup>13</sup> Koto nto ve, divi ntō e ntáka'an nto: “Vevii ne, ō utén kī'in ntí ñuú tsikán ne, ikan kuntōo ntí uun



kuia. Ikan dīko ntí vata koo é kuē'e diu'un ní'i ntí", ka'an nto. <sup>14</sup>Ñá kuān xkoó ka'an nto, tsi ñá ini nto nté koo kuvi uten. Vata ntáa viko nu'ú san ntáa ntuvi iña nto. Uun dá'na tsi ñu'u vikó san ne, dá kantava. <sup>15</sup>Dií ka vá'ā ó te kā'an nto: “Te Xuva kō ntio ña ne, kuntōo ntí ne, víi ntí sá'a ne, ō víi ntí tsikan”, koo ka'an nto. <sup>16</sup>Vevii ne, dōo ntáde ka'nu nto kuenta iña i e ntádē kuení mii ntō é víi nto. Ña vá'a ō é kuān koo ka'an o. <sup>17</sup>Xoó ña'a é ini ña nee iña é vā'á vii ña ne, ntá tsi ña káde ña ne, iō kuetsí ña.

## 5

### *Nté koo kuvi nī ña kuiká san*

<sup>1</sup>Koto nto ve, xoo e dōo kuika i. Kueku nto ne, kachu'u ntáa nto é vē'xi é ntō'o nto ve. <sup>2</sup>Nuu i é dokuika nto ne, e té'u ve. E dúku rkídín san dōo nto. <sup>3</sup>É kúdī kaá kuaán nto nī diu'ún kuí'xín nto. Dīvi ntáda ntaa nté ō ntí'xe nima nto. Kunaá nto kuenta iña i vata tsi koo te ñu'ú san i'xi nto. Tsi ña te nté kaa dokuika e ntánatee vá'a nto vevii, é kuān sá kaa ntuví sá'a. <sup>4</sup>Ini nto ve, tsi xá'vī ña kade tsiñu iñá nto kaikan kuetsi kuenta iña nto, é ña ni ntá'vi nīi nto ña dā ixkadá tsiñu ña iña nto. Xuva kō, ña é kadē kú've iña un ntíi ntíi ne, tēkú ña tsi dōo u'vi ntákuví ña ntáde tsiñu iña nto, ña e éni nta'ví nto. <sup>5</sup>Ñá tē nté kaa vá'a o intóo nto ñuxiví sa. Da mii kuē'en tsi dodíni idé nto. E'xí va'ā ntó vata kaa kiti kae'xi dé'en di'na dá ka'nī ñá ti. <sup>6</sup>Dīvi ntō né, dōto tsi tsi'i kuetsi nto ña e dōo va'á ña'a. Xé'e ntō doxi'í ña, ña é ña tuvi kuetsi i né, ntē ña ni nadá'an ña kúñu ña.

### *É kūtíi o kuntetu ō ne, é kā'an ntá'ví ō*

<sup>7</sup>Ntá tsi dīvi nto, tā'an kó, na kūtíi nto kuntetu nto da nté nainu xtuku Tó'o kō, vata tsí ó de ña

kai'xi tsíkin san é kākutíi ña kantétu ña é tñn ña kiti i san da nté tē xee ntúvi daví san. <sup>8</sup> Na kūtíi ntō di. Nǎ xtuvī mii nto é kuinti'xe nto, tsi é vevíi nainu xtuku Tó'o kō.

<sup>9</sup> Ení ko, ñá kā'an ntée nto ta'an nto vata koo é ña tá'xi Xuva ko ntō é ntō'o nto. Tsí doko sa xée ña é tā'xi ña. <sup>10</sup> Koto nto nté ō kutíi ña ka'án naa Xuva ko kídaā da dóo ntó'o ña. <sup>11</sup> Xo'ō ne, ntáka'an o tsi dóo diní ña, xoo é kākutíi e ntó'o i. É tēkú nto nté ō kutíi ñá nanī Joó san. Ini nto tsi náxnuu viko Xuva ko ñá da kúvi ntó'o ña. Tsí Xuva kō ne, dóo kantunta'ví ini ña kō ne, kata'xi ña ko é vā'á di.

<sup>12</sup> Na tēkú va'ā nto sá'ā, ta'an ko. Nǎ ku natekū nto Uva kō, nté e dukún kān, nté ñū'u san. Na kuinī nto é kā'an nto é nuu é ntaā í vata koo é dá kā'an nto tsí nuu é ntaā í ne, na kūntaa ntí'xe. Te kā'an nto tsí ña'a ne, kuan kōo nti'xe é ña'a, vata koo é ña ta'xi Xuva ko nto é ntō'o nto.

<sup>13</sup> Te iō ntó e dóo ntánto'o nto ne, ka'an ntá'vi nto. Te iō ntó e dóo diní nto ne, kata nto nchu'ún Xuva kō. <sup>14</sup> Te iō ntó e dóo vitá o ini nto ne, kana nto ñatā, ña ntákuinti'xe i san, na kā'an ntá'ví ña iña ña nchokuví san. Na nakūtsi nuu ña ña asete kuenta iña Xuva ko. <sup>15</sup> Te kákuinti'xe vá'a ña kaka'an ntá'ví san ne, ntuvá'a ña nchokuví san, tsí Xuva ko naxntitsí ñá ña. Te iō kuetsí ña ne, kada ka'nu iní Xuva ko ni ñá. <sup>16</sup> Dukuān ne, ká'an nto ni tā'an nto nee iña é kuetsí nto. Ka'an ntá'ví ntó iña ta'an ntó ne, na kā'an ntá'ví ña iña nto di, vata koo é ntuvá'a nto. Tsi ñá te nté kaa kaidiá'vi te kanī nima ñá kaka'an ntá'ví ña, ña e dóo va'á nuu Xuva ko. <sup>17</sup> Nǎ é kā'an naa Xuva ko kídaā, ña é nani Ēliá ne, ñatii vata tsi ntáa o xo'ō. Kanī nima ñá ka'an ntá'ví ña kídaā é ña kīn dávi ne, uni kuía ntē dáva é ña nī kīn kué'en tsi daví san. <sup>18</sup> Kídaā ne, ka'an ntá'vi xtúku

ña é na k̄n daví san ne, taxnuu Xuva ko dāví san.  
Kidáā né, ē'nu é tātá ña'a san.

<sup>19</sup> Ntō'o tá'ān kó, te iō nto é ntákudana nto itsi é nuu é ntaā í san ne, te tūku ña'a kanantiko koō ñá nto é kuintī'xe xtuku ntó ne, <sup>20</sup> divi ñā é kanantiko koō ñá ña é iō kuetsí i, ña é kaika itsi kini kaa ne, na kūtuni ña tsí kanakáku ña ña doxi'í san ne, ñá kunāá ka ña, tsí kada ka'nu iní Xuva ko ni ña, kuān te dóo kue'e kuétsi ñā.

**Tū'ún xuva kō vatā ó ntáka'an ña ñuú  
Coatzospan  
New Testament in Mixtec, Coatzospan  
(MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

**Copyright Information**

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Mixtec, Coatzospan

**© 2003, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022

8f775598-56d9-56fd-966e-15e054d2f275